

CONVENIO DE COLABORACIÓN ENTRE A AXENCIA DE TURISMO DE GALICIA E O CONCELLO DE MONTERREI PARA O PROXECTO DE HUMANIZACIÓN E MELLORA DA INFRAESTRUTURA NO NÚCLEO DE MIXÓS, CONCELLO DE MONTERREI

O xerente de Turismo de Galicia

DECLARA:

Que esta Axencia Turismo de Galicia formalizou co Concello de Monterrei o instrumento convencional arriba referido por un período de vixencia que abrangue dende a data da súa sinatura ata o 31 de decembro de 2024.

Que o instrumento convencional ten por obxecto establecer as bases de colaboración entre a Axencia Turismo de Galicia e o Concello de Monterrei para a humanización e mellora da infraestrutura no núcleo de Mixós, concello de Monterrei.

Que existe converxencia de intereses entre as entidades asinantes en orde á consecución obxecto referido.

Que o instrumento convencional que se pretende asinar se **fundamenta** no seguinte:

Primeiro.- A Axencia Turismo de Galicia, en virtude do disposto no artigo 9 dos seus estatutos, aprobados polo Decreto 196/2012, do 27 de setembro, é a entidade pública instrumental do sector público autonómico de Galicia á que lle corresponde o impulso e execución da política turística da Xunta de Galicia en relación coa promoción da calidade e a innovación, o desenvolvemento, mellora, información e difusión do sector turístico galego, potenciando a devandita oferta, mediante a comercialización, información e difusión do produto turístico da Comunidade Autónoma de Galicia.

Para lograr esta finalidade a Axencia Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos.

Segundo.- Que o Concello de Monterrei é consciente de que o seu Patrimonio é o seu máis grande ben, entendendo Patrimonio no seu senso máis amplo, é dicir, o conxunto



de bens dunha comunidade, incluíndo nese conxunto tanto os bens herdados como os de nova adquisición, tanto os naturais como os culturais. Partindo desta base o Concello de Monterrei está levando a cabo, dende fai anos, unha serie de iniciativas cun obxectivo común: por en valor, é dicir, rendibilizar o seu Patrimonio para dalo a coñecer, conservalo e para a promoción turística.

A actuación desenvolverase no núcleo de Mixós, dentro do trazado do Camiño de Santiago Vía da Prata, que é o camiño xacobeo galego de maior percorrido. Ademais a obra está afectada ao patrimonio polo elemento catalogado da Igrexa de Santa María de Mixós, un templo de orixe prerrománico que conserva no seu interior pinturas murais da época medieval e elementos construtivos que lembran a presenza dun mosteiro na mesma zona. Por último este núcleo tamén se atopa catalogado como Ben de Interese Cultural de área integral (COD 3205002).

Terceiro.- Esta actuación é continuación da xa desenvolvida o ano pasado tamén no núcleo de Mixós, e levarase a cabo nun tramo contiguo ó anterior.

A actuación a realizar sitúase na Praza do Forno, no núcleo rural de Mixós, concello de Monterrei. Actualmente obsérvase que o pavimento de formigón atópase moi deteriorado e propónse a súa mellora, ademais da renovación das redes que dan servizos aos veciños do núcleo. As obras proxectadas comprenden as seguintes actuacións:

- Movemento de terras e traballos previos

Abriranse as zanzas para a colocación das redes de abastecemento, saneamento, augas pluviais e alumeado. Demolerase o pavimento de formigón existente e escavarase a caixa do camiño.

- Saneamento

Colocarase a canalización de PVC e executaranse os pozos de rexistro previstos nos planos, instalaranse as acometidas domiciliarias e terminaranse ca conexión á rede existente.

- Abastecemento



Colocarase a canalización de polipropileno e executarase as arquetas, instalaranse as acometidas domiciliarias, as válvulas de comporta, mariposa e ventosa e rematarase ca conexión á rede actual de abastecemento. Durante a execución contéplase o uso dun bypass para non deixar desabastecidos os veciños do núcleo de Mixós.

- Pluviais

Colocarase a canalización de PVC, executarase os pozos de rexistro, colocaranse os sumidoiros e as canalizacións de polipropileno reforzado.

- Alumeado

Colocarase a canalización de 3 tubos de liña de alumeado con tubos de PVC e executarase as arquetas, deixando así a infraestrutura preparada para o soterramento do alumeado público do núcleo de Mixós.

- Firms

Estenderase unha base de saburra artificial e posteriormente executarase un carril de 2 m de ancho de pavimento de formigón. Nos bordes colocarase ata as edificacións un pavimento de lastro de granito sobre unha soleira de formigón.

Con esta actuación quérese potenciar un elemento patrimonial do concello, favorecendo o uso e goce do entorno por parte de veciños e visitantes, revalorizando o patrimonio e fomentando o turismo patrimonial como un instrumento de reequilibrio territorial, o que supón a posta en valor turístico da citada infraestrutura.

Que a través deste convenio, outórgase ó Concello de Monterrei unha subvención directa en virtude do disposto no artigo 19.4 c) da Lei 9/2007, do 13 de xuño, de subvencións de Galicia, polas razóns de interese público, social, económico e humanitario expostas nos puntos anteriores que dificulta a súa convocatoria pública, de conformidade co previsto no artigo 26.2.a) da Lei 9/2007 do 13 de xuño, de subvencións de Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos



contemplados Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela

O xerente de Turismo de Galicia

Antonio Casas Calviño

